



PRIJEDLOG

PROGRAM
SUFINANSIRANJA SAMOZAPOŠLJAVANJA
START UP 2017

Sarajevo januara/siječnja 2017. godine

SADRŽAJ

1.	Osnov za donošenje, izvor finansiranja i nosioci realizacije Programa	3
2.	Cilj Programa.....	3
3.	Ciljna grupa.....	3
4.	Poticajna mjera	3
5.	Raspodjela sredstava za realizaciju Programa	4
6.	Priprema za realizaciju Programa	4
7.	Javni poziv	4
8.	Prijava na javni poziv	4
9.	Provjera podataka i potpisivanje ugovora sa korisnicima sredstava	5
10.	Pravdanje i isplata odobrenih sredstava	5
11.	Kontrola i praćenje izvršenja ugovornih obaveza.....	6
12.	Indikatori za nadgledanje/monitoring i ocjenu/evaluaciju uspješnosti efekata zapošljavanja ..	6
12.1	Ulazni podaci	6
12.2	Podaci o aktivnostima.....	6
12.3	Izlazni podaci/rezultati	6
12.4	Učinak.....	6

1. Osnov za donošenje, izvor finansiranja i nosioci realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, te ciljevima iz Programa rada Federalnog zavoda za zapošljavanje za 2017. godinu, sačinjen je Program sufinansiranja samozapošljavanja START UP 2017 (u daljem tekstu: Program).

U skladu sa Finansijskim planom za 2017 i procjenama za 2018. i 2019. godinu, za realizaciju Programa predviđena su sredstva u iznosu od 3.000.000 KM. Federalni zavod za zapošljavanje (u daljem tekstu: Zavod) realizuje Program u saradnji sa kantonalnim službama za zapošljavanje (u daljem tekstu: Služba/službe).

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. Cilj Programa

Poticanje najmanje 800 osoba sa evidencije nezaposlenih u Federaciji BiH na samozapošljavanje, pokretanjem samostalne djelatnosti/ malog biznisa, kao i na zapošljavanje drugih osoba sa evidencije nezaposlenih u novootvorenim poslovnim subjektima, te poticanje razvoja socijalnog poduzetništva.

3. Ciljna grupa

Ciljna grupa/korisnici sredstava su osobe prijavljene na evidenciju nezaposlenih u Federaciji BiH najmanje šest (6) mjeseci prije podnošenja prijave na Javni poziv, bez obzira na stepen obrazovanja i starosnu dob, a koje će po odobravanju sredstava/nakon prijave na Javni poziv registrirati i održati samostalnu djelatnost/mali biznis u trajanju od najmanje 12 mjeseci.

U Programu ne mogu učestvovati lica koje su već koristila kreditna ili bespovratna sredstva iz podsticajnih mjera Zavoda i/ili službi radi pokretanja samostalne djelatnosti/ malog biznisa, u posljednj tri godine, niti će se sufinansirati samozapošljavanje u oblasti poljoprivrede.

4. Poticajna mjera

Zavod će osobama sa kojima se zaključi ugovor o sufinansiranju samozapošljavanja nakon što registruju djelatnost/mali biznis (obrt ili preduzeće d.o.o.) isplaćivati podsticajna sredstva, i to: 300,00 KM mjesečno za muškarce odnosno 330,00 KM za žene u narednih 12 mjeseci.

Također, na ime troškova pokretanja djelatnosti/malog biznisa (registracija, ljekarsko uvjerenje, taksa, materijal, oprema/sredstva za rad i sl.) Zavod će isplatiti/refundirati sredstva u iznosu od 200 KM, pod uvjetom da korisnik dostavi pravdanje u tu svrhu, uz isplatu prvog dijela mjesečne refundacije.

Ukoliko korisnik u okviru samostalne djelatnosti/malog biznisa zaposli drugu osobu, mjesečno će mu se isplaćivati/refundirati sredstva u iznosu od po 300 KM po novozaposlenoj osobi u narednih šest (6) mjeseci (iznos obaveznih doprinosa na i iz najniže plaće u Federaciji BiH).

5. Raspodjela sredstava za realizaciju Programa

Tabela 1: Raspodjela sredstava po kantonima

KANTON	Nezaposlene osobe (30.9.2016.)	70% od 3.000.000 KM, prema broju nezaposlenih	30% od 3.000.000 KM, linearno	UKUPNO
1. Unsko-sanski	44.743	250.895,33	90.000,00	340.895,33
2. Posavski	5.187	29.085,98	90.000,00	119.085,98
3. Tuzlanski	92.654	519.555,14	90.000,00	609.555,14
4. Zeničko-dobojski	67.029	375.863,55	90.000,00	465.863,55
5. Bosansko-podrinjski	3.559	19.957,01	90.000,00	109.957,01
6. Srednjobosanski	39.377	220.805,61	90.000,00	310.805,61
7. Hercegovačko-neretvanski	32.952	184.777,57	90.000,00	274.777,57
8. Zapadnohercegovački	11.434	64.115,89	90.000,00	154.115,89
9. Kanton Sarajevo	68.871	386.192,52	90.000,00	476.192,52
10. Kanton 10 (Livanjski)	8.694	48.751,40	90.000,00	138.751,40
UKUPNO	374.500	2.100.000,00	900.000,00	3.000.000,00

6. Priprema za realizaciju Programa

U okviru pripremne faze Programa, Zavod:

- informiše javnost o Programu osam (8) dana prije objave Javnog poziva,
- izrađuje obrasce ugovora i izvještaja o plaćanju
- izrađuje softversku aplikaciju za prijavu na Javni poziv,
- obezbjeđuje softversku aplikaciju - (bazu) za unos podataka,
- potpisuje sa službama Sporazum o međusobnoj saradnji o realizaciji Programa.

7. Javni poziv

Zavod objavljuje Javni poziv za učešće u Programu putem sredstava javnog informisanja i internet stranice: www.fzzz.ba. Javni poziv traje najdalje do 31.12.2017. godine i objavljivat će se dva puta u intervalima u vrijednosti od po najmanje jednu polovinu ukupno predviđenih sredstava za Program, uz eventualno pridruživanje neugovorenih sredstva iz prethodne objave.

Osnovne informacije o postupcima, proceduri i aktivnostima iz Programa, nezaposlena lica dobivaju na web portalu Zavoda, te putem telefona i e-maila u Zavodu i službama.

8. Prijava na javni poziv

Nezaposlena osoba se prijavljuje za učešće u Programu putem linka na web portalu Zavoda www.fzzz.ba, tako što u elektronski obrazac prijave unosi lične podatke i podatke o poslovnoj ideji koju namjerava realizovati, te eventualno podatke o osobama koje želi zaposliti.

Nakon izvršene prijave, a najkasnije u roku od 60 dana, aplikant dostavlja Službi isprintan i svojeručno potpisan **Obrazac prijave** uz koji obavezno dostavlja:

- ovjerenu kopiju rješenja o registraciji djelatnosti, čiji datum je nakon datuma apliciranja na Javni poziv
- kopiju Uvjerenja o poreznoj registraciji (ID broj),

- kopiju prijave na obavezna osiguranja u Poreznoj upravi Federacije BiH (Obrazac JS 3100)
- ovjerenu kopiju ugovora o radu i kopiju prijave na obavezna osiguranja u Poreznoj upravi Federacije BiH (Obrazac JS 3100) za osobe koje eventualno zapošljava ili s kojima registruje djelatnost,
- broj računa u poslovnoj banci na koji će se sredstva doznačiti
- potvrda o plaćenju članarini Obrtničkoj komori (za obrte)

9. Provjera podataka i potpisivanje ugovora sa korisnicima sredstava

Služba provjerava podatke iz prijave (radi utvrđivanja statusa nezaposlenosti, ranijeg učešća u projektima zapošljavanja, odnosno samozapošljavanja i sl.) i dostavljenu dokumentaciju, te nakon što utvrdi validnost iste, u skladu sa raspoloživim finansijskim sredstvima, priprema Ugovor o sufinansiranju samozapošljavanja u tri (3) primjerka koje nepotpisane dostavlja aplikantu uz napomenu da iste potpisane i ovjerene vrati Službi.

Nakon toga, Služba potpisuje i ovjerava primjerke Ugovora i dostavlja Zavodu koji, također, potpisuje i ovjerava primjerke Ugovora.

Zavod zadržava jedan (1) primjerak, a dva (2) primjerka Ugovora vraća Službi, od kojih se jedan (1) primjerak prosljeđuje korisniku.

10. Pravljanje i isplata odobrenih sredstava

Nakon zaključenja Ugovora o sufinansiranju samozapošljavanja, a na osnovu dostavljenog Izvještaja Službe o ispunjavanju uvjeta za isplatu - međuregistra, Zavod će korisniku mjesečno isplaćivati/refundirati na račun registrovane djelatnosti odobreni iznos sufinansiranja, i to:

- iznos od 300,00 KM za muškarce, odnosno 330,00 KM za žene, u narednih 12 mjeseci, po dostavljanju Specifikacije uz uplatu doprinosa poduzetnika (obrazac 2002) u slučaju registracije obrta ili Specifikacije uz uplatu plaće zaposlenika u radnom odnosu kod pravnih i fizičkih lica (Obrazac 2001) u slučaju registracije privrednog društva ovjerene u Poreskoj upravi Federacije BiH
- u slučaju zapošljavanja drugih osoba, bez obzira na spol, iznos od 300,00 KM u trajanju od šest (6) mjeseci, po dostavljanju Specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreskoj upravi Federacije BiH, uplatnice za pojedinačne isplate plaća, a u slučaju zbirne uplate plaća, kopije izvoda banke iz kojih je vidljiva isplata pojedinačne plaće za sufinansiranu osobu.

Uz isplatu/refundaciju prvog dijela ugovorene obaveze, a po izvršenju pravdanju utrošenih sredstava, isplatit će se i iznos od 200 KM na ime neophodnih troškova pokretanja djelatnosti.

Također, po dostavljanju pravdanja utrošenih sredstava na ime troškova pokretanja samostalne djelatnosti/malog biznisa (registracija, ljekarsko uvjerenje, taksa, materijal, oprema/sredstva za rad i sl.), Zavod će korisniku uz isplatu/refundaciju prvog dijela ugovorene obaveze isplatiti/refundirati sredstva u iznosu do 200 KM.

Radi efikasnosti i ekonomičnosti realizacije Programa, sve eventualne izmjene podataka iz Ugovora o sufinansiranju samozapošljavanja, te obračun i refundaciju do tada opravdanog iznosa sredstava, ugovorne strane prihvataju bez posebnih anexa ovom ugovoru, a uz validnu dokumentaciju koja opravdava te izmjene.

11. Kontrola i praćenje izvršenja ugovornih obaveza

Zavod/Služba će kontinuirano provoditi kontrolu realizacije ugovorenih obaveza, i to:

- *provjerom dokumentacije koju korisnik redovno dostavlja radi pravdanja odobrenih sredstava,*
- *provjerom u bazi podataka Poreske uprave, kojom će se pratiti obaveza održavanja registrovane djelatnosti u predviđenom roku;*
- *prema potrebi, kontrolom provođenja ugovorenih obaveza neposredno kod korisnika.*

Ukoliko se utvrdi da se ugovorene obaveze ne ispunjavaju, Zavod/Služba će pokrenuti postupak raskida ugovora.

12. Indikatori za nadgledanje/monitoring i ocjenu/evaluaciju uspješnosti efekata zapošljavanja

Podaci i indikatori za monitoring i evaluaciju Programa.

12.1 Ulazni podaci

- Broj nezaposlenih osoba prijavljenih na evidenciju nezaposlenih, a koje pripadaju ciljnoj grupi/grupama, zaključno sa 31.12.2016. godine
- Spolna, dobna, obrazovna struktura ciljne grupe
- Iznos ukupno planiranih sredstava po Programu

12.2 Podaci o aktivnostima

- Broj aplikacija-zaprimljenih prijava/Broj zaključenih ugovora o sufinansiranju samozapošljavanja
- Struktura registriranih samostalnih djelatnosti/malih biznisa
- Iznos ugovorenih sredstava
- Broj osoba iz ciljnih grupa obuhvaćenih mjerama
- Spolna, dobna, obrazovna struktura korisnika Programa
- Prosječan iznos poticaja/intervencije po osobi

12.3 Izlazni podaci/rezultati

- Broj osoba iz ciljne grupe koje su zadržale samostalnu djelatnost/mali biznis do okončanja ugovora o sufinansiranju samozapošljavanja
- Broj osoba iz ciljne grupe koje su ostale u radnom odnosu do okončanja ugovora a zaposlene su u novootvorenoj djelatnosti
- Planirano/ugovoreno/utrošeno sredstava po Programu

12.4 Učinak

- Broj osoba koje su zadržale samostalnu djelatnost/mali biznis šest (6), odnosno 12 mjeseci nakon isteka perioda sufinansiranja
- Neto učinak Programa